

Kapya atu ba Pol hato hi Kolosi

Abô môŋ

Pol hato kapya êntêk hadêŋ avômalô êvhaviŋ anêŋ Kolosi. Pol miŋ bôk hi Kolosi ami. Ma doŋtom Epaplas bôk hamô Epesus ba halaŋô Pol anêŋ abô ba êvhaviŋ. Êŋ ma hawa Abô Mavi êŋ ba hi hanaŋ bêŋ hadêŋ avômalô Kolosi.

Kêdôŋwaga abôyaŋ êv auk lokbaŋ hadêŋ avômalô êvhaviŋ anêŋ Kolosi. Ba intu Pol hato ek epesaŋ iniŋ auk lôk embatho iniŋ êvhaviŋ loŋ.

Hamô koladôŋ ma hato kapya êntêk hadêŋ 60 AD la.

Pol hanaŋ anêŋ lamavi

1 ¹Ya Pol, Yisu Kilisi anêŋ aposel hathak Wapômbêŋ da anêŋ lahaviŋ lôk alalôaniŋ aiyaŋ Timoti, yai ato kapya êntêk ²hadêŋ avômalô matheŋ takatu ba êmô majaŋ anêŋ Kolosi. Môlô ma yêlôaniŋ aiyaŋ takatu ba ômô haviŋ Kilisi.

Alalôaniŋ Kamik Wapômbêŋ anêŋ wapôm lôk labali êmô imbiŋ môlô.

Mek leŋiŋmavi hathak avômalô Kolosi

³Yêlô ateaŋ mek ma athak anaŋ leŋiŋmavi wak nômbêŋ intu hathak môlô hadêŋ Wapômbêŋ, alalôaniŋ Anyô Bêŋ Yisu Kilisi anêŋ Lambô ⁴⁻⁵bek malê nena bôk alaŋô nena môlô ôêv malemim ek nôm mavi takatu ba Wapômbêŋ bôk hapôpêk yôv ek môlô hêk malak leŋ. Môlô bôk olaŋô abô hathak nôm mavi takêŋ yôv halôk Wapômbêŋ anêŋ Abô Mavi atu ba avanôŋ. Aêŋ ba yêlô alaŋô nena môlô ôêvhaviŋ Yisu Kilisi lôklokwaŋ ba lemimhaviŋ avômalô matheŋ lôkthô. ⁶Abô Mavi êŋ bôk halêm ek môlô ma lêk hik anôŋ ba hêv liŋsiŋ haveŋ pik lôkthô. Hatôm atu ba bôk hadum hadêŋ môlô hadêŋ wak atu ba olaŋô lôk oyala abô avanôŋ hathak Wapômbêŋ anêŋ wapôm aleba lêk. ⁷Epaplas bôk hadôŋ môlô hathak

^a 1:3 Ep 1:15-16 ^b 1:4-6 Ep 1:15; 1Pi 1:4 ^c 1:7 Kol 4:12; Plm 23

abô êṅ yôv. Yani ma yêlôaniṅ aiyarṅ ba hadum ku haviṅ yêlô ma yêlô leṅiṅhaviṅ yani. Yani ma Kilisi anêṅ anyô ku majarṅ te ek hêv môlô sa. ⁸Ma bôk hanaṅ hadêṅ yêlô hathak môlônim lemimhaviṅ takatu ba Lovak Matheṅ hêv.

⁹^dWaklavôṅ abô êṅ hayô ek yêlô ma miṅ atak mek ek môlô ami. Ma athak aterṅ mek ek Wapômbêṅ anêṅ Lovak Matheṅ nêṅ auk lomalama êndêṅ môlô ek noyala Wapômbêṅ anêṅ lahaviṅ katô. ¹⁰Yêlô aterṅ mek êṅ ek môlô nôṁô êtôm Anyô Bêṅ anêṅ lahaviṅ ek indum yani lamavi esak nômbêṅ atu ba môlô udum. Êṅ ma tem unim ku mavi lomalama injik anôṅ lôk auk hathak Wapômbêṅ tem indumbak bêṅ. ¹¹^eMa embatho môlô loṅ esak lôklokwarṅ lôkthô atu ba halêm anêṅ yanida anêṅ lôklokwarṅ lôkmanṅiṅ ek malaiṅ la hapôm môlô, ma numiṅ lôklokwarṅ lôk nôṁô maliṅyaô. ¹²^fMa nômbôam ba nônêm lemimmavi êndêṅ Kamikbêṅ. Yani hêv athêṅ hadêṅ môlô ek noja unim sam imbiṅ avômalô matheṅ takatu ba êṁô anêṅ loṅ deda. ¹³^gYani hawa alalô vê hêk momaṅiniṅ anêṅ lôklokwarṅ ba hadô alalô hamô Namalô anêṅ loṅ lôkliṅyak kapô. Yani lahaviṅ Namalô êṅ ba ¹⁴^hNamalô êṅ iyom intu hêv alalôaniṅ kambom vê ba halate alalô hale yaiṅ.

Kilisi hamô nômkama lôkthô vuliṅ

¹⁵ⁱKilisi hawa Wapômbêṅ atu ba anyôla miṅ hatôm êṅjê ami anêṅ dahô. Yani ma Wapômbêṅ nakaduṅ môṅ ba hamô vuliṅ ek nômkama lôkthô atu ba Wapômbêṅ hapesaṅ. ¹⁶Hathak Kilisi ma Wapômbêṅ hapesaṅ nômkama lôkthô anêṅ leṅ lo pik, vi ma hatôm nagê ma vi ma miṅ hatôm nagê ami hatôm aṅela lôk iniṅ avaka ma iniṅ ṅê bêṅbêṅ lôk lôklokwarṅ takatu ba hêk kapô. Hapesaṅ nômkama lôkthô hathak Kilisi ek nêṅ athêṅ bêṅ êndêṅ yani. ¹⁷^jKilisi hamô hamôṅ vêm ka nômkama lôkthô habitak. Ma havalôṅ nômkama lôkthô loṅ ba intu êṁô tiṅiṅ. ¹⁸^kYani bôk hadum ba avômalô ôdôṅ êvhaviṅ lôkthô ibitak ba intu hamô hatôm avômalô êvhaviṅ lôkthô iniṅ wakadôk. Ma thêlô ma yani liṅkupik. Yani ma anyô môṅ atu ba haviyô anêṅ ṅama ek avômalô ṅama lôkthô ba intu hamô vuliṅ ek nômkama lôkthô. ¹⁹^lWapômbêṅ lamavi ek anêṅ auk lôkmala lôkthô hamô Namalô kapô. ²⁰^mHathak Kilisi Wapômbêṅ hapôpêk loṅôndê ek etauviṅ nômkama sapêṅ anêṅ leṅ lo pik ek nêṁô labali imbiṅ yani. Hadum nôṁ êṅ hathak Kilisi anêṅ thalaleṅ atu ba haṅgasô hathak a.

²¹ⁿSêbôk ma môlô ôṁô daimbô ek Wapômbêṅ. Ba udum kambom lomalama ba intu unim auk hapôlik hathak yani. ²²^oMa doṅtom lêk

^d 1:9 Ep 1:16-17 ^e 1:11 Ep 1:19; 3:16 ^f 1:12 Ep 1:11,18 ^g 1:13 Luk 22:53; Ep 2:2

^h 1:14 Ep 1:7 ⁱ 1:15 Jon 1:18; 2Ko 4:4 ^j 1:17 Jon 1:1; 8:58 ^k 1:18 Ap 26:23; Ep 1:22-23;

ALK 1:5 ^l 1:19 Kol 2:9 ^m 1:20 Ep 1:10 ⁿ 1:21 Lom 5:10; Ep 2:12 ^o 1:22 Lom 5:10; Ep 5:27

hathak Kilisi anêḡ ḡama liḡkupik, hatauviḡ mólô ek nôômô labali imbiḡ yani lôk matheḡ ma mabuḡ lôk kambom mi êḡḡek yani ma. ²³Aêḡ ba nobaloḡ unim ôêvhuviḡ loḡ ba numiḡ lôklokwaḡ ek miḡ nupu ami. Ma nônem malemim ek nôm mavi takatu ba Abô Mavi hik thô ma miḡ notak ami, êḡ ma tem nôpôm mek mavi takêḡ. Mólô bôk olaḡô Abô Mavi êḡ yôv. Ma bôk enaḡ bêḡ hadêḡ avômalô pik luvuluvu. Ya Pol intu, Abô Mavi êḡ anêḡ anyô ku.

Pol hêv avômalô matheḡ sa

²⁴Ma lêk yaleḡmavi hathak vovaḡ takatu ba hapôm ya ek nêḡ mólô sa. Kilisi bôk hawa vovaḡ vi, aêḡ ba anêḡ avômalô êvhuviḡ tem neja vovaḡ êḡ vi imbiḡ. Thêlô ma yani liḡkupik ma vovaḡ êntêk ba yahawa hêv Kilisi anêḡ liḡkupik sa ek vovaḡ sapêḡ atu ba Kilisi hawa ni êyô anêḡ daḡ. ²⁵^pWapômbêḡ hêv ku hadêḡ ya ba yahabitak avômalô êvhuviḡ iniḡ anyô ku ek yanaḡ anêḡ abô lôkthô bêḡ êndêḡ mólô avômalô loḡ buyaḡ. ²⁶^qAbô êḡ ma abô lôk kup ba bôk havuḡi hêk loḡ kapô ek avômalô bôsêbôk bôlada halêm ba halêm. Ma doḡtom lêk hik thô halêm yaḡi ek anêḡ avômalô matheḡ. ²⁷Wapômbêḡ lahaviḡ thêlô neyala abô lôk kup êḡ. Ma abô lôk kup êḡ ma abô lôkmaḡḡi anôḡ atu ba habitak ek nêḡ mólô avômalô loḡ buyaḡ sa hatôm hêv avômalô Israel sa. Ma abô lôk kup êḡ ma aêntêk. Kilisi hamô mólô ḡê loḡ buyaḡ kapô ba intu ôêv malemim ek nôômô Kilisi anêḡ lôkmaḡḡi kapô. ²⁸Aêḡ ba intu yêlô anaḡ Kilisi bêḡ hadêḡ avômalô sapêḡ. Yêlô adôḡ lôk anaḡ abô lôklokwaḡ hathak auk mavi sapêḡ ek thêlô lôkthô nimbitak ḡê mabuḡ anôḡ imbiḡ Kilisi ek ini nêḡmô Wapômbêḡ ma. ²⁹^rBa intu yahadum ku bêḡ lôk vovanik hathak Kilisi anêḡ lôklokwaḡ atu ba hadum ku bêḡ hamô yakapôlôḡ.

2 ¹Yaleḡhuviḡ mólô noyala nena yahadum ku lôk vovanik bêḡ ek mólô lôk avômalô Laodisia lôk avômalô êvhuviḡ lôkthô atu ba miḡ bôk êyê ya ami. ²Yahadum ku êḡ ek yambatho mólô lôkthô kapôlômim loḡ ek nosak doḡtom lôk lemimbiḡ am ek noja auk lôkmaḡḡi sapêḡ ek noyala Wapômbêḡ anêḡ auk atu ba havuḡi katô. Auk êḡ ma Kilisi da. ³^sMa auk lôkmaḡḡi lôk auk bêḡ sapêḡ havuḡi hamô yani kapô hatôm payeḡ mavi ek nêḡ alalô sa.

⁴^tYahanaḡ abô takêḡ ek anyôla miḡ êmbôv mólônim auk esak abô lêlêyaḡ mavi la ba esau mólô ami. ⁵^uMiḡ yahamô huviḡ mólô ami, ma doḡtom yadahôlôḡ hamô huviḡ mólô. Ma yahayê mólô ômô thêthôḡ mavi ba ôêvhuviḡ Kilisi lôklokwaḡ ba intu yaleḡmavi anôḡ.

^p 1:25 Ep 3:2,7-8 ^q 1:26 Lom 16:25-26; Ep 3:5,9 ^r 1:29 Ep 3:7,20; Plp 4:13

^s 2:3 1Ko 1:24,30 ^t 2:4 Lom 16:18 ^u 2:5 1Ko 5:3

Lôkmala lukmuk

⁶Bôk owa Yisu Kilisi hatôm unim Anyô Bêḡ yôv. Ba intu nômo imbiḡ yani aêḡ iyom. ⁷Numiḡ lôklokwaḡ êtôm alokwaḡ lôk ḡgalôk ma nodav unim ôêvhaviḡ êyômô yani ek unim ôêvhaviḡ imbitak lôklokwaḡ êtôm atu ba bôk êdôḡ môlô. Ma nônem lemimmavi êndêḡ Wapômbêḡ êtôm ḡḡḡ hasôv halôk bôḡ.

⁸Noyabiḡ am dedauḡ mavi ek avômalô vi miḡ nesau môlô esak auk pik lôk abô takatu ba hayovak oyaḡ ami. Ôêvhaviḡ iniḡ abô ma hatôm etak o halôk kola kapô. Thêlô ewa auk takêḡ halêm anêḡ auk bô lôk ḡgôk takatu ba eyabiḡ pik ma miḡ Kilisi ami ⁹*ek malê nena Wapômbêḡ anêḡ auk lôkmala sapêḡ hamô Kilisi liḡkupik kapô. ¹⁰*Yani hamô vuliḡ ek lôklokwaḡ lôk athêḡ bêḡ lôkthô. Môlô ômô haviḡ yani ba intu Wapômbêḡ hêv anêḡ lôkmala hadêḡ môlô ba lôkmala êḡ intu haḡgasô hayô môlô vôv. ¹¹*Ma tabô ḡḡgothe kupik hik anôḡ hamiḡ môlô takatu ba ôêvhaviḡ Kilisi. Miḡ ḡḡgothe kupik hathak baheḡḡḡ ami. Mi, Kilisi da hadum ku hêk môlô kapôlômim ba hadabêḡ môlônim kapôlômim bô vê. ¹²*Ba uthik ḡḡḡ ma Wapômbêḡ halav môlô haviḡ Kilisi. Ma hathak unim ôêvhaviḡ Wapômbêḡ anêḡ lôklokwaḡ atu ba hik Kilisi liḡ ma hik môlô liḡ haviḡ.

¹³*Sêbôk atu ba Kilisi miḡ haḡgothe kapôlômim bô vê ami denaḡ, ma kapôlômim bô êḡ havalôḡ môlô loḡ ba udum kambom lomaloma lôk ômô hatôm ḡê ḡama. Êḡ ma Wapômbêḡ hêv unim kambom sapêḡ vê ba hadum ba ômô lôkmala haviḡ Kilisi. ¹⁴*Sêbôk ma alalô leḡḡḡndôḡ kôtôḡ ba abuliḡ abô balabuḡ ba intu tem inḡik i liliḡ ba nêḡm vovaḡ êndêḡ alalô. Ma doḡtom Wapômbêḡ hamiḡ abô balabuḡ anêḡ vovaḡ takêḡ loḡ siḡ ba hik loḡ hathak a haviḡ Kilisi. ¹⁵Ma hathak Kilisi anêḡ ḡama hathak a, ma Wapômbêḡ hamô ḡgôk bêḡbêḡ lôk ḡgôk lôk athêḡ lu ba hêv iniḡ nômkama vovak vê. Vêḡm ma halom thêlô ba hi hadô hamiḡ avômalô maleḡḡḡ ma hêv mama bêḡ hadêḡ thêlô.

Abô hathak ḡê pik iniḡ balabuḡ

¹⁶*Aêḡ ba ḡê doho etatale môlô hathak nôḡm takatu ba oyaḡ lo unum ma waklavôḡ ôêv yeḡ lo waklavôḡ ayôḡ lukmuk ma waklavôḡ Sabat, êḡ ma miḡ nodaḡô iniḡ abô ami.^d ¹⁷*Nôm takêḡ lôkthô ma yaôna ma hatôm dahô atu ba halêm hamôḡ ek alalô nagê vêḡmam ka miḡ nôḡm anôḡ embeḡ yam. Ma nôḡm anôḡ êḡ ma Kilisi da. ¹⁸Avômalô doho esopa iniḡ auk bô ba ebam i oyaḡ hathak iniḡ kobom êv yeḡ. Thêlô enaḡ nena thêlô etauviḡ i ba esopa iniḡ niaviḡ takatu ba êyê ba intu êv yeḡ hathak aḡela.

^v 2:7 Ep 3:17 ^w 2:9 Jon 1:14,16 ^x 2:10 Ep 1:21-22 ^y 2:11 Lom 2:29 ^z 2:12 Lom 6:4

^a 2:13 Ep 2:1,4-5 ^b 2:14 Ep 2:14-16; 1Pi 2:24 ^c 2:16 Lom 14:1-13 ^d 2:16 'Sabat' ma abô Hiblu ma anêḡ ôdôḡḡ nena, 'Waklavôḡ neja lovak.' ^e 2:17 Hib 8:5

Miņ notak i ek netatale mōlō ba nēnēm unim vuli mavi vē ami. ¹⁹Ņê êņ miņ evaloņ Kilisi atu ba hatōm leņviņkupik anēņ wakadōk loņ ami. Leņviņkupik êņ ma űê êvhaviņ Kilisi. Ma hathak hayabiņ leņviņkupik êņ lōkthō dedauņ mavi ek nimbitak lōklokwaņ ba nedahaliņ i mavi ma nindumbak esak lōklokwaņ atu ba Wapōmbēņ hēv.

²⁰ᵘMōlō bōk oma yōv haviņ Kilisi ba intu űgōk takatu ba eyabiņ pik êntēk ma miņ eyabiņ mōlō ami. Ma osopa pik anēņ balabuņ hatōm pik hayabiņ mōlō denaņ eka? ²¹Pik anēņ balabuņ hanaņ nena, “Miņ ombaloņ ami! Miņ noņgwaņ ami! Miņ ōsōm ami!” ²²^hBalabuņ takēņ halēm anēņ avōmalō pik iniņ auk lōk iniņ abō takatu ba êdōņ ba enaņ hathak nōm takatu ba aņ lo anum iyom vēm ma mi. ²³Ņê takatu ba êdōņ balabuņ takēņ esonē nena balabuņ êņ ma auk mavi ek nēm avōmalō sa ek nēnēm yeņ lōk nēnēm vovaņ êndēņ leņviņkupik ek indum Wapōmbēņ lamavi. Ma doņtom mi, balabuņ takēņ miņ hatōm nēm avōmalō sa ek netak iniņ thethaņak ami.

Alalō aviyō ba awa lōkmala haviņ Kilisi

3 ¹ⁱAēņ ba Wapōmbēņ bōk hik mōlō liņ haviņ Kilisi ba ōmō lōkmala. Ma lēk Kilisi hamō Wapōmbēņ baņ vianōņ hamō malak leņ. Ba intu nōmō lēlē esak nōmkama malak leņ iyom. ²^jMa nōnēm auk esak nōmkama vuliņ, ma miņ nōmkama pik ami. ³Mōlō bōk oma yōv ba unim lōkmala hakopak hamō haviņ Kilisi atu ba hadahaliņ haviņ Wapōmbēņ. ⁴Kilisi ma mōlōnim lōkmala ba anēņ waklavōņ endelēm ma tem nōlēm yaņ imbiņ yani lōk anēņ lōkmaņgiņ.

⁵^kAēņ ba űgwik kambom pik sapēņ atu ba hamō mōlō kapōlōmim vōnō: sek waliliņ lōk auk lōņgōlōņ ma thethaņak lōk leņiņhaviņ kambom lōk maleņiņkilik hathak nōmkama. Maleņkilik ma hatōm ēv yeņ hathak űgōk. ⁶Avōmalō leņōndōņ kōtōņ intu ethak idum nōm takēņ ba intu tem nēpōm Wapōmbēņ anēņ lamaniņ. ⁷Sēbōk ma mōlō ōmō aēņ ba osopa loņōndē kambom takēntēk haviņ. ⁸^lMa doņtom lēk ma notak kambom sapēņ atu ba hamiņ mōlō kapōlōmim aēntēk: lemimmaniņ lōk lemimņaņa ma kapōlōmim kambom lōk onaņ abōma hathak avōmalō vi lōk onaņ abō kambom. ⁹^mMōlō bōk otak kapōlōmim bō lōk anēņ kambom lomaloma yōv. Ba intu miņ nonaņ abōyaņ êndēņ mōlōviyaņ ami. ¹⁰ⁿMa lēk owa kapōlōmim lukmuk. Ma wak nōmbēņ intu ma Wapōmbēņ atu ba hapesaņ kapōlōmim lukmuk êņ hadum ek imbitak êtōm yanida anēņ dahō ek noyala yani mavi anōņ. ¹¹^oBa intu avōmalō takatu ba bōk ewa kapōlōņiņ lukmuk yōv, lōkthō ma êtōm doņtom iyom. Avōmalō Israel

^f 2:19 Ep 2:21; 4:16 ^g 2:20-21 Gal 4:3,9; 1Ti 4:3 ^h 2:22 Mat 15:9 ⁱ 3:1 Mak 12:36;

16:19; Ep 1:20 ^j 3:2 Mat 6:33 ^k 3:5-6 Lom 6:6,11; Ep 4:19; 5:3-6 ^l 3:8 Ep 4:25-29; 5:4

^m 3:9 Ep 4:22,25 ⁿ 3:10 Ep 4:24 ^o 3:11 Gal 3:28

lôk avômalô loŋ buyaŋ, ma vi atu ba eŋgothe kupik lôk vi atu ba miŋ eŋgothe ami, ma vi atu ba ŋê kamuŋ lôk vi atu ba alonaŋ anôŋ, ma vi atu ba êmô alaŋsi vibiy lôk vi atu ba idum ida iniŋ ku, lôkthô êtôm doŋtom iyom. Kilisi intu bêŋ ek nômbêŋ takêŋ lôkthô ba hamô haviŋ alalô sapêŋ.

¹²Wapômbêŋ lahaviŋ môlô ba bôk habi baŋ hayô hêk môlô ek numbitak anêŋ avômalô matheŋ. Ba intu numbuliv am siŋ esak kobom leŋiŋhiki hatôm vovaŋ haliy anyô lôk nundum mavi êndêŋ anyô yaŋ ma notauiŋ am ba nômô labalina lôk maliyâô. ¹³Ma anyô te hawa auk lokbaŋ hathak yaŋ ma embalon kapô loŋ. Ma malem thêlêv hathak anyô yaŋ ma otak anêm kapôlôm kambom êŋ. Anyô Bêŋ bôk hêv anêm kambom vê yôv, ba intu undum aêŋ iyom. ¹⁴Ma ôkôk leŋiŋhaviŋ êyôŋgêk nôm takêŋ vôv. Leŋiŋhaviŋ havalon lôkthô loŋ majaŋ anôŋ.

¹⁵Môlô lôkthô bôk othak doŋtom ba ubitak Kilisi anêŋ liŋkupik doŋtom ba halam môlô ek nômô yôhôk imbiŋam. Ba intu notak Kilisi anêŋ yôhôk ek eyabiŋ môlô kapôlômim. Ma nônêm lemimmavi êndêŋ Wapômbêŋ wak nômbêŋ intu sapêŋ. ¹⁶Nômbôlô Kilisi anêŋ abô êmô kapôlômim siŋ ek nôndôŋ lôk uŋgwik auk mavi sapêŋ thô imbiŋ am. Nônêm yeŋ atu ba hêk Wapômbêŋ anêŋ kapya yeŋ lôk yeŋ matheŋ lôk yeŋ atu ba Lovak Matheŋ hêv ek nônêm lemimmavi êndêŋ Wapômbêŋ êndôk kapôlômim. ¹⁷Nôm kama lôkthô atu ba môlô udum ba onaŋ ma nundum lôkthô esak Anyô Bêŋ Yisu Kilisi anêŋ athêŋ. Ma hathak yani ma nônêm lemimmavi êndêŋ Kamik Wapômbêŋ.

Pol anêŋ abô hadêŋ ŋê matheŋ lodôŋlodôŋ

¹⁸Môlô avi lôk anyô, nômô unim anyô vibiy. Êŋ ma mavi ek avi atu ba hasopa Anyô Bêŋ.

¹⁹Ma môlô anyô, lemimimbiŋ vônimi ma miŋ nosaŋ i ami.

²⁰Ma môlô avômena, nôwê lemami lo lemtami iniŋ abô sapêŋ vibiy. Nôm êŋ hadum Anyô Bêŋ lamavi.

²¹Ma môlô lami miŋ nosaŋ i kakapuk ami, êŋ ma tem undum nalumi maleŋiŋ tiyamtiyam.

Pol anêŋ abô hanaŋ hadêŋ ŋê ku lôk anêŋ alaŋsi

²²Ma môlô vi atu ba lôk alaŋsi, nôwê unim alaŋ iniŋ abô sapêŋ vibiy. Ma unim alaŋ hamô mena mi la, ma nundum iniŋ ku dedauŋ mavi. Ma miŋ nundum unim ku mavi êndêŋ wak takatu ba yani hamô ek nêm lamavi êndêŋ yani iyom ami. Mi, nôkô ek Anyô Bêŋ ba nundum unim ku sapêŋ lôk kapôlômim. ²³Ba intu ku alêla takatu ba udum ma

^p 3:12 1Pi 2:9 ^q 3:13 Ep 4:2,32 ^r 3:14 Lom 13:8-10 ^s 3:15 1Ko 12:27; Ep 4:4; Plp 4:7
^t 3:16 Ep 5:19 ^u 3:17 1Ko 10:31; Ep 5:20 ^v 3:18 Ep 5:22 ^w 3:19 Ep 5:25 ^x 3:20 Ep 6:1
^y 3:21 Ep 6:4 ^z 3:22 Ep 6:5-8

nundum lók kapôlômim êtôm udum Anyô Bêj anêj ku ma miŋ nê pik iniŋ ami. ²⁴Êj ma oyala nena ku takatu ba udum ek unim anyô bêj, êj ma Anyô Bêj Kilisi anêj ku ba lemimimbi nena tem injik ku anêj vuli sam êndêj môlô. ²⁵Ma doŋtom opalêla takatu ba idum kambom ma tem neja kambom êj anêj vuli viyaŋ. Wapômbêj hathak hadum aêj hadêj avômalô lôkthô ba miŋ lahabi iniŋ athêj ami.

4 ¹Ma môlô alaŋsi takatu ba unim nê ku êmô, noyala nena unim Anyô Bêj doŋtom aêj iyom hamô malak leŋ. Ba intu nundum kobom thêthônj lók mavi êndêj i.

Pol hapôviŋ thêlô ek neteŋ mek

²Môlô nônem lêlê ba noteŋ mek lemimvidoj lók nônem lemimmavi êndêj Wapômbêj. ³Ma noteŋ mek ek yêlô imbiŋ ek Wapômbêj nêmbalaŋ vê ek yêlô nanaŋ anêj abô hathak Kilisi atu ba havuŋi êlêm yaŋ. Abô êj intu lêk yahamô koladônj hathak. ⁴Ba intu noteŋ mek ek yanaŋ abô êj ni yaŋi êtôm Wapômbêj anêj lahaŋi ek avômalô sapêj neyala.

⁵Ômô haŋi nê takatu ba miŋ êvhaviŋ ami, ma nombêj lók auk mavi wak nômbêj intu ma nômbôlêm loŋôndê atu ba nuŋgwik Kilisi thô êndêj i. ⁶Undum ek anêm abô sapêj ida yôhokna êtôm nôm lók ŋgwêk ek oyala loŋôndê ôwê avômalô tomtom iniŋ abô viyaŋ mavi.

Pol hêv Tikikus lo Onesimiba i Kolosi

⁷Alalôaniŋ aiyaŋ anônj Tikikus tem enaŋ êndêj môlô esak malêla takatu ba hapôm ya. Yani ma anyô ku majaŋ te ba hathak hadum Anyô Bêj anêj ku haŋi ya. ⁸Yahêv yani hathôk hathak ôdônj êntêk ek enaŋ nena lêk yêlô amô aisê ek indum môlô kapôlômim mavi. ⁹Ma yahêv alalôaniŋ aiyaŋ anônj Onesimi hathôk haŋi Tikikus. Yani ma môlôda te atu ba hamiŋ majaŋ. Thai tem nenaŋ esak nôm takatu ba habitak loŋ êntêk.

Pol hêv thêlônij leŋimavi hadêj avômalô Kolosi

¹⁰Alistakas atu ba hamô koladônj haŋi ya hêv anêj lamavi hadêj môlô. Ma Mak, Balabas anêj naha hêv anêj lamavi hadêj môlô haŋi. Mak hathôk ek môlô ma nosopa abô takatu ba bôk yahanajaŋ ba noja yani thô. ¹¹Ma Yisu ôpatu ba elam nena Jastas hêv anêj lamavi haŋi. Anyô lô êntêk êv ya thêvô bêj anônj. Thêlô êj ma nê Israeël ba idum ku enaŋ abô hathak Wapômbêj anêj loŋ lôkliŋyak haŋi ya. Israeël miŋ bêj anônj êmô haŋi ya ami. Mi, thêlô lô êntêk iyom.

^a 3:25 Lom 2:11 ^b 4:1 Ep 6:9 ^c 4:2 Ep 6:18; Plp 4:6 ^d 4:3 Lom 15:30; Ep 6:19

^e 4:5 Ep 5:15-16 ^f 4:6 Ep 4:29; 1Pi 3:15 ^g 4:7 Ep 6:21 ^h 4:8 Ep 6:22 ⁱ 4:9 Plm 10-12

^j 4:10 Ap 12:12; 13:13; 15:37-39; 2Ti 4:11

¹² ^kEpaplas, ma môlôda te, hêv anêḡ lamavi hadêḡ môlô. Yani ma Yisu Kilisi anêḡ anyô ku ba hathak havalonḡ môlô lonḡ lôkklokwaḡ hathak mek ek môlô numinḡ êtôm ḡê talaḡ ek noyala Wapômbêḡ anêḡ lahavinḡ katô. ¹³ Yahananḡ avanônḡ biḡ nena yani hathak hadum ku bêḡ hathak môlô lôk avômalô Laodisia lo Hielapolis. ¹⁴ ^lAlalôaniḡ aiyaḡ anônḡ dokta Luk lôk Dimas êv iniḡ leḡinḡmavi hadêḡ môlô havinḡ.

¹⁵ Nônêm yenaḡ yaleḡmavi êndêḡ aiyaḡ thêlô anêḡ Laodisia lôk Nimpa ma ḡê êvhavinḡ takatu ba êv yeḡ êmô anêḡ unyak.

¹⁶ Môlô te hasam kapya êntêk hadêḡ môlô yôv, ma nônêm ni êndêḡ avômalô êvhavinḡ anêḡ Laodisia ek nesam imbiḡ. Ma kapya atu ba yahato ek Laodisia, thêlô nindum aêḡ iyom ek môlô nosam. ¹⁷ ^mMa nonaḡ êndêḡ Alkipus nena, “Ku atu ba Wapômbêḡ hêv hadêḡ o, ma undum ku êḡ dedauḡ mavi.”

¹⁸ ⁿYa Pol, hathak yada yabaheḡ ma yahato yaleḡmavi êntêk hadêḡ môlô. ^o Yahamô koladônḡ ba intu lemimimbi ya. Wapômbêḡ anêḡ wapôm êmô imbiḡ môlô.

^k 4:12-13 Kol 1:7; Plm 23 ^l 4:14 Plm 24 ^m 4:17 Plm 2 ⁿ 4:18 1Ko 16:21 ^o 4:18 Anyô yaḡ hêv Pol sa ba hato anêḡ abô halôk kapya. Ma Pol da hato anêḡ lamavi iyom hathak yanida baḡ. Nônḡô Lom 16:22.